


DISSERTATIO MEDICA

INAUGURALIS,

DE

FEBRE TYPHOIDEA.







DISSERTATIO MEDICA  
INAUGURALIS,  
DE

FEBRE TYPHOIDEA,

QUAM,  
ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S. S. T. P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subijcit

HENRICUS BOWLES,

ANGLUS,

Soc. Reg. Med. Ed. Praef. Ann.

Soc. R. P. Ed. Sod. Ext.

Nec non

Soc. Chir. Obstet. Ed. olim P. A.

Ad diem 24. Junii, hora locoque solitis.

EDINBURGI:  
Apud BALFOUR et SMELLIE,  
Academiae Typographos.

---

M,DCC,XC.



## C O R R I G E N D A.

Pag. 3. ad imum, *post adeo inferre non*

4. l. 5. *pro ipsum lege ipsam*

ib. 9. *pro doctrinae lege doctrina*

ib. ad imum, *pro egregius lege egregio*

6. l. 8. *pro stipata lege stipatae*

ib. 9. *pro discreti lege discretae*

12. 8. *pro hos lege has*

Quae supersunt benevolo corrigantur lectore.

Amico suo colendissimo,

E D V A R D O A S H,

Apud Oxon. M. A.

Soc. Reg. Med. Ed. Soc. Ext.

Et

Praefidi nuper dignissimo, &c. &c.

Cujus

Summum ingenii acumen,

Bonarumque literarum cognitionem,

Cuncti admirantur ;

Cujus

Comitas bonitasque

Ab omnibus ei notis,

Sed praesertim amicis, praedicantur ;

In memoriam sempiternam dierum, una secum jucundissime,

Nec sine fructu,

Peraclorum,

Has studiorum primitias

Sacras esse vult

A U C T O R.



Ce n'est pas en diminuant ni en épaissant les humeurs, ni en exaltant ou absorbant les parties sulphureuses, ni en liant les fluides nerveux, que l'opium fait dormir, mais c'est en diminuant l'irritabilité.—*Haller sur les Part. Sensf. et Irrit. Tom. I.*



# DISSERTATIO MEDICA

INAUGURALIS,

DE

## FEBRE TYPHOIDEA.

---

### PROŒMIUM.

**S**ALUTIFERA medicinae ars, apud omnes quam incerta fuit habita. Sed medici nihilominus, ex tempore quo egregia prodierunt illustrissimi Culleni opera, magis sibi constare, et inter se consentire magis solito videntur, etsi quam gravissimae adhuc quaestiones et difficillimae manent solvendae.

Quanquam enim pathologiae humoralis difficultatibus vix diutius pugnandum, minus tamen certum est an irritabilitas proprium sit fibrae muscolari principium, an ab ipsis derivatum nervis <sup>a</sup>.

A

Si

<sup>a</sup> Vide Whytt, Monro, De Haen, Haller, de hac quaestione.



Si nervos quasi appendices in perfectioribus animalibus, ea fine ut sensatione et volitione utantur, quibus contractio muscularis et motus perficiuntur, respicimus; quid obstat quo minus ultimum vitae principium<sup>a</sup>, (tam vegetabilibus quam animalibus), idem esse, et similiter quoque affici, tam vi nervea, quam alia vi stimulante, censeamus?

Quicquid demum sit natura nervosae potestatis, analogia tamen suadet, eam ab aliis stimulis haud ita discrepare, ac hi ipsi stimuli inter se. Rebus igitur sic sese habentibus, annon dicere liceat, qua ratione agunt electricitas, vinum, venena, eadem prorsus agere, iram, gaudium, nervorum laesiones, &c. Nam ultimus omnium effectus, modo satis sint magni, non valde diversi esse videntur.

Utcunque vero res sit, (dicente clarissimo Batie, de Principibus Animalibus), ratiocinatio tamen medicorum magis in hac re speciosa est quam sana; nequit enim eadem causa, eodem tempore et efficiens et excitans esse. ‘Quin et arteriae,’ inquit,

‘et

<sup>a</sup> Vide Med. Comment. pro anno proxime elapso, ubi hanc opinionem, nec sine fructu, me iudice, stabilire conatus est Joannes Gahagan. Vide quoque Trans Philof. chartulam ubi eandem sententiam amplectitur Dr Fordyce. Vide etiam Dissertat. Acad. de Plantarum Irritabilitate autore Mr Coulon.



‘ et nervi ipsius ligatura paralytica, fluida quæque muscularia,  
 ‘ an arteriosa an nervea illa fuerint, motibus animalibus officere  
 ‘ potius quam pro ipforum causa materiali habenda esse, mon-  
 ‘ strat.’

Eandem quoque sententiam amplexus est Cl. Blumenbach,  
 ‘ Ipsæ autem,’ inquit, ‘ nervorum summae partes quibus, uti-  
 ‘ que in musculos agere notissimum est, eo potius redire viden-  
 ‘ tur, ut tanquam remotiores sive excitantes motus muscularis  
 ‘ causæ considerari possint, minime vero cum proxima confundi  
 ‘ debeant, quæ sola ac unica insita musculosæ carni irritabilitas  
 ‘ erit <sup>a</sup>.’

Donec vero hæc componuntur lites omnis necesse est doctrina  
 imperfecta sit et mutabilis. Quamdiu vero litigatur, mihi ta-  
 men fas sit, in illam interim abire sententiam, quæ, meo saltem  
 iudicio, probabilior esse videatur <sup>b</sup>. Interea autem fatendum  
 est, nervosorum nomen morborum adeo longe nuper in usum  
 increbuisse, sed prorsus adeo intellectum esse, ut vix morbus, ali-  
 quo modo obscurus, quin hoc nomine insignitus fuerit : Quot  
 genera videlicet morborum, (non agitur de Nosologia), huc re-  
 feruntur,

<sup>a</sup> Inst. Physiol. p. 245. de Motu Musculari.

<sup>b</sup> Vide M. Intossi Dissert. Inang.



feruntur, et quanta doctrinae confusio ex incertis, vel forsan praejudicatis nervorum, eorumque abditorum officiorum, notationibus, oritur?

At quantum iisdem prematur vel aliis difficultatibus doctrina muscularis, (quae morbos et ipsum ponit sanitatem in fibra musculari vel ejus irritabilitate, et nervos pro causis tantum habet remotis, actionis musculorum), experientia simul et attentio in posterum docebunt. Quomodocunque autem res sese habeant, minime negandum quin doctrinae tali nitens principio simplicior sit, et rebus forsan ipsis magis consentanea <sup>a</sup>.

Quum enim morbos tot varios, tamque indolis, ut existimantur, diversae, uno saepe eodemque remedio, sublato esse videmus, annon colligere licet eos omnes, haud ita indole suo ac aspectu, inter se discrepare? Sed causam potius quandam communem <sup>b</sup>, (irritabilitatem videlicet auctam vel minutam) vel  
 principium

<sup>a</sup> Clarius hujus doctrinae expositio mox in lucem prodibit, autore Edvardo Ash, qui scientiarum bonarumque literarum simul decus atque princeps ornamentum est. Egregius hocce opusculo tam leges quam origo principii vitalis, summo mentis acumine, persequuntur, et in rem late physiologicam, pathologicamque, nec infeliciter me iudice exponendum applicantur.—MS.

<sup>b</sup> Vide Falconer on the Bath waters, et passim auctores de aliarum efficacia Thermarum. Vide etiam Cadogan on the gout.



principium quoddam commune pro causa agnoscere <sup>a</sup> ? Maxima quoad hanc doctrinam difficultas ad ea quae sequuntur plerumque spectare videtur, quod experimenta videlicet et observationes vix adeo numerosae aut stabiles satis sunt, ut principium nostrum firmare possint. Sed haec, me iudice, defunt postulata ex observationibus potius incaute et sine consilio factis, vel ex factis, inter se haud bene junctis et collatis, quam ex eorum vera repugnantia. Quin et Fontanae experimenta, una cum quibusdam a meipso, in hanc rem, de industria, institutis, luculenter ostendunt omnes potestates, (sed directe pro concentrationis ratione) musculorum irritabilitatem exhaustire <sup>b</sup>; et, quod notatu dignum, siue aucta siue minuta, sit irritabilitas, modo ad id pervenerit, quod morbum facit, eadem saepe signa ex invicem producantur. Etiam si igitur, similia nonnunquam signa ex diversis, imo saepe contrariis potestatibus, et diversa quoque ex similibus profluere videntur; ratiocinatio tamen, si legitima sit, causas semper spectare debet, et cura quoque medicorum huc praecipue dirigenda esset. Quoniam enim videre est frigus summum et magnus calor (visu saltem) post se eundem trahere effectum, quoniam jactura aequae ac abundantia fluidorum comitem

<sup>a</sup> Vide La Motte Dissert. Acad. An omnis morbus ex irritabilitate aucta vel minuta?

<sup>b</sup> Experimenta curatorum selectorum apud Societ. Med. Reg. Ed. facta.



tem plerumque habent convulsionem, et syncope contrarios cerebri status comitatur<sup>a</sup>, annon, dico, casibus similibus, iudicium medicorum potius ex causis morborum remotis quam eorum signis ferendum est? Necnon ex vitae genere simul perpenso?

Ipsa quinetiam experientia hanc firmavit opinionem quoad nonnullos affectus, inflammationes videlicet imprimis, quae, etsi iisdem fere signis stipata, duplices tamen habentur, inque passivam idcirco et activam, discreti; diversam quoque medendiviam et postulantes et ferentes. Haemorrhagiae denique aliorum praebent exemplum, et, ni fallor, alii bene multi hic pertinent morbi.

Eodem praeterea jure quo similes visu morbi, diversi habentur, eodem sane, visu diversi, similes habere possint. Nam, si haec opinio prorsus veritate caruerit, quomodo explicari potest remedium quorundam efficacia generalis, quae cum tot variorum natura quadrant morborum, iisque quanquam aspectu diversis omnino medentur? Quot, viz. morbos non sanat ipse cortex? et quantis medetur morbis, etsi visu diversis, exercitatio, ut alia taceam exempla, vel mentis vel corporis? Quam maxime  
denique

<sup>a</sup> Vide Drelincourtii Experimenta.

denique cavere debet inter ratiocinandum, ne effectuum similitudo sensus nostros decipiat, id quod praesertim eventurum sit quando hi effectus subito oriuntur. Quanquam enim fulguris ictus et venena quaedam non fecus ac suffocatio mortem inferant; quanquam gaudium moderaminis expers, et summus terror mortales e vita subito corripiant, minime tamen colligendum est, has potestates eodem necare modo. Experimentis enim constat, irritabilitatem post terrorem superstitem a summo gaudio destrui.

Atque certum est, quasdam potestates vi tanta accumulata agere, ut subito animalis irritabilitatem tollant, adeoque sedantia esse videantur, quanquam minori adhibitae dosi revera stimulare inveniantur. Hic quoque ipsum, ut opinor, spectat contagium, minus vero hoc certum est ex eo quod desunt experimenta in hunc finem, rite instituta. Analogia vero adeo fortiter sententiam nostram firmare videtur, ut ejus veritate evictus, hanc tractaturus sum dissertationem.

Ex meo foret consilio diutius immorari circa irritabilitatis quaestionem, sed persuasum simul habeo, unicum existere vitae principium, ad quod et ipsam sensibilitatem pertinere quam vero mihi simile videtur.

Hunc



Hunc morbum pro more academico tractaturo in animo est historiam prius depingere ; dein causas et naturam indicare ; postremo consilia quaedam medendi proponere.

## H I S T O R I A.

Morbus noster ubique nimis frequens est, sed maxime carceribus, classibus, locisque situ foedis, funestus et familiaris. Nonnunquam epidemicus observatur, et inter pauperes praecipue grassans, sed contagione plerumque propagatur. Symptomata quoque typhoidea multos praeterea morbos comitare solent, etsi minime eadem contagione ortos, uti morbillos, cynanchem, puerperarum febres, enteritidem, cum multis bene aliis, qui, (modo graves), eandem sumere formam, et eidem plerumque praxi, versus finem saltem, cedere observantur. Meo quoque iudicio, omnes huiusmodi morbi ad idem debent genus referri, utpote minus natura quam aspectu discrepantes.



Emeritus noster, et celeberrimus Cullenus, (quem defunctum pleret medicina), hanc accuratissimam morbi definitionem tradit : ‘ Morbus contagiosus ; calor parum auctus ; pulsus frequens, debilis, et parvus ; urina parum mutata ; Sensorii functiones plurimum turbatae ; vires multum imminutae \*.’

Morbi symptomata ordine fere sequente oriuntur. Primum adfunt algores calore alternantes, mox iusta febre desinentes ; tum calor parum auctus, sed constans fere et mordax quasi existit, nec frigus tam saepe excipiens. Cordis et arteriarum actio adeo in principio augetur, ut phlegmasiarum naturam haud raro praese ferre febris videatur. Paucos autem intra dies signa haecce in alia, debilitatem signantia, commutantur.

Languor nunc corripit artus, virium prostratio et fatigationis sensus aegrum opprimunt. Motum averfatur, spiritus et pulsus celeres evadunt, insigni comitante dejectione. Caput dolet, hebet oculi, et inquietudo accedit. Somnus insincerus et phantasmatis turbatus, vertigo demum et delirium accedunt. Cibi fastidium, imo nausea et ipse vomitus nonnunquam ab initio vexant. Sitis quoque maxime urget, et nunc alvus adstricta, nunc soluta observatur.

B

Haec

\* Nosol. Method. inter pyrexias sub Februm ordine Gen.



Haec symptomata paulatim, ni morbo occurratur, ingraves-  
cunt, delirium magis constans premit, gemitus frequentes edun-  
tur; subsultus tendinum et tremores nunc adveniunt. Lingua,  
quae primum albida et humidiuscula, nunc ficca, fusca, et rimosa  
conspicitur. Pulsus quoque debiles et citatiores evadunt. In-  
terdiu vero saepe remissio symptomatum accedit, etsi plerumque  
noctem versus recrudescent omnia. Noctes aguntur infomnes,  
sed coma perpetuum et anxietas magna aegrum lacescunt. Nec  
amplius sibi constat mens. Sub hoc statu dentes et labia ni-  
grescunt arentque, et aeger flocculos stragulorum carpit. Vi-  
sus quoque et auditus, tum sensus omnigeni, ex parte saltem  
minuuntur; et animi deliquium a levissimo motu inducitur.  
Cutis plerumque arida est et calens; nonnunquam vero humidæ  
et sudore oblita.

Pulsus denique adeo exiles et frequentes evadunt, ut vix nu-  
merari vel percipi possint. Dolores autem sub hoc stadio mi-  
tescere incipiunt, dum eos plerumque excipit torpor. Tendinum  
quoque subsultus, una cum tremoribus accedere solent. Vesicae  
etiam muscoli simul atque recti, cum aliis nonnullis, vim suam  
amittunt, nec sponte redduntur aut faeces aut urina.

Haec sunt quae morbus mitior signa secum plerumque adfert,  
donec comate indies crescente aeger tandem e medio tollitur.

Morbus vero saepe ab initio gravior est, et cursum suum, symptomatis funestioribus, citius absolvens. Si enim contagium magis violentum, vel, quod eodem redit, si proclivitas major sit, morbus dein acerbior non esse non potest, et funestior erit ejus caterva symptomatum.

Hoc casu, una cum iis jam dictis, sed citius, praegressis, adest foetor halitus, faecum et aliorum excrementorum; coma et delirium ab initio saepe adoriuntur; lingua maxime sicca, et crustis foedata cernitur, maculae nunc varii coloris corporis superficiem deformant. Haemorrhagia denique diversis corporis partibus, nunc aperte epistaxim faciens, nunc occulto in cavis effusae, et, quod saepius accidit, sub cutem petechias efficiens, occurrit. Haec symptomata eo demum perveniunt, ut aeger, tantis impar laboribus fato suo succumbat.

Varius autem est morbi cursus, nunc citius, nunc serius, sese absolvens, aliquando ad trigessimum trahitur diem, aliquando sexto finitur, sed plerumque inter quatuor decem et viginti dies tenetur.

Qui hoc defuncti sunt morbo varia exhibent phaenomena. Intestina nempe signa inflammationis, uti et meninges, haud raro praebent; nonnunquam etiam sphacelum ipsum observatum esse, testantur



testantur auctores. Sed omnia symptomata hujus inflammationis, una cum causis eam facientibus perpenſis, paſſivi eſſe generis indicare videntur.

## C A U S A E.

Semper apud medicos obſervatum fuit, alios homines aliis eſſe morbis magis obnoxios; de cauſis igitur opportunitatem vel proclivitatem facientibus medici ſemper egere; inter hos autem tam variae tamque contrariae enumerantur res, ut vel etiam ipſum judicium potius diſſrahere quam juvare videantur.

Quo igitur certior fiat eorum operum notio, ſatius eſſe duxi, eos in duplicem ordinem dividere, in eum nempe qui contagionis ſuſcipiendae opportunitati, et in eum qui effectui ejuſdem favet; hinc ad priorem referuntur ordinem communiter omnes poteſtates ultra modum debilitantes, ſive haec ſtimulantes ſive ſedantes habeantur. Cutis enim, his caſibus magis bibula ſolito eſſe videtur, et ita potiffimum ad contagionis abſorptionem promovendum aptior exiſtimanda. Hoc modo calor, ira, gaudium, crapulae, ebrietas, venus immodice culta, corporis et mentis fatigatio; item frigus, metus, terror, humorum jaſtura, pigrities, immundities, et viſus parcus, &c. (quae et contrariae ſunt),

ut causae morbi praedisponentes incusantur. Harum vero causarum, etiamsi contagioni accipiendae aequae forsan favent, ejus tamen operi non nisi posteriores, pro certo favere, videntur.

Hinc qui metu tristantur, vel male nutriuntur, morbum plerumque saeviore patiuntur, et quanquam causae praedisponentes diversi esse generis videantur, opportunitas tamen aucta solummodo irritabilitate constare credibile est.

Hanc ob causam, morbus inter pauperes, qui parciore utuntur victu, multo magis saevit quam inter eos lautiorae vitae genere utentes, et variae quoque morbi species, eandem forsan causam, agnoscere invenientur, utpote videre est idem contagium nunc graviores nunc mitiores, excitare morbum, sicut in variolis, scarlatina, et aliis nonnullis, evenit morbis.

## CAUSA EXCITANS.

Diversi auctores diversas tuentur sententias de causa morbi excitante. Sunt qui frigus et pathemata incusant, alii, et aequiore, ut videtur, jure, unicam existimant causam excitantem, contagium videlicet, vel effluvium humanum.

Inter auctores vero hanc amplectentes opinionem alia tamen dissentio est. Contactum ipsum necessarium esse ad morbum gignendum



nendum quidam autumant, dum alii contendunt effluvia per auras dilata ad eum producendum valere. Sine dubio ipse contactus certioris effectus, esse habendus; sed plurima extant exempla, ubi nullus suspicari potuit contactus, etsi homines cunctatim quasi morbo occubuere.

Philadelphiae memorabile accidit exemplum hujus generis. Vestimenta quaedam contagione imbuta, ex insula Barbadenſi deſecta, et dein ventis expoſita ut perflarentur et exſiccarentur, morbum per urbem Philadelphiae longe lateque inferebant.

Cambden quoque alium memoriae prodidit exemplum, eandem rem comprobans, ſed hoc jam omnibus adeo perſuaſum eſt, vix argumentis egere videatur.

In praefentia igitur liceat in contagionis agendi modo paululum immorari. Graves quidam auctores opinati ſunt eam tanquam fermentum in corpus noſtrum agere, et quoniam ex putrida conſtare materia cenſebant, ſic fluida corrumpi et ſolvi, ejus opere credebant; recentiorum vero experimenta docent materias e putridis ſubſtantiis exhalantes tantum abeſſe ut corrumpant, ut corruptione quam maxime obſtare videntur. Atque notum eſt homines inter res maxime putridas, diu poſſe verſari, (ut qui rem faciunt anatomicam, qui coria curant, et laniones) etſi periculo immunes. Sed quomodocunque contagii effectus

produci dicuntur, certum est magnam semper debilitatem ejus actionem sequi ; et nunc inquirendum est an haec debilitas, maxima morbi pars, ex nimia stimulandi vi, irritabilitatem tollendo, vel e contra sedandi nimia originem suam ducit. Gravissima sunt argumenta quae priori favent opinioni.

Imprimis omnes fere potestates, quae sedantes habentur, vix aliud quam minor, cujusvis stimuli noti, gradus esse videntur. Et omnes effectus sedativi nuncupati ex privatione vel negatione solitorum stimulorum oriri quam vero simillimum est. Neque credibile est ullam potestatem adhiberi posse quae irritabilitatem aut dispendio aut incremento non afficiat.

Ubi vero potestates irritabilitatem augendo, operam suam fecere, et actionem corporis sublevarunt, aegrius postea, nec sine periculo alii feruntur stimuli. Sed ubi potestates subito irritabilitatem demendo, et actionem tollendo, sedare videntur, tunc profunt et bene feruntur stimuli ; an hic pertinet typhus fatis edocet ipsa curatio. Quin et, si stimulos quoslibet moderate exhibeas, qui alias, sedantes prae se ferre videntur effectus, veri dein eorum effectus apparebunt, uti videre est in venenis, quae nimia sumpta dosi maxime debilitant, sed minore dosi pro excitantibus habentur, et idem dicendum est de vino aut alcoholi, vel spiritu ardente, ut ex gravissima ill. Cullenii au-



toritate colligendum est. En ejus verba : ‘ When alcohol is diluted only with so much water that it can be swallowed, it shows the inebriating, intoxicating, and narcotic effects of other sedatives. When taken in small quantity, and much diluted, it does not shew its sedative powers ; but, on the contrary, it appears as a stimulant, cordial, and exhilarating liquor \*,’ &c.

Contagiones denique aliae, quae primo opere revera corpus excitant, (uti variolae, morbilli, &c.), nonnunquam tamen adeo vehementer agunt, ut cito vires exhauriant, morbumque typhum referentem, post se trahere observantur ; et ipsum quoque typhum quibusdam saltem regionibus phlegmasiarum signis incipere notum est. Postremo, opportunitas ejus est generis qui stimulanticontagionis operi favet ; et remedia sunt quae obviam eunt exhaustioni. His omnibus rite collatis et perpensis, colligendum esse credo, typhi contagium quam maxime stimulantem praestare, minime sedantem effectum.

### C A U S A P R O X I M A:

Quoniam mihi probabile videtur, tum morbum tum ipsam sanitatem, diversis ex irritabilitatis gradibus pendere, vitaeque

phae-

<sup>a</sup> Treatise on the Mat. Med. p. 11. chap. vi. de Sedantibus.

phaenomena hinc posse deduci, nunc videamus quemadmodum morbus, de quo sermo, his principiis explicare potest.

Observatione quotidiana docemur vitam animalium variis constare phaenomenis, et haec praeterea phaenomena, ita rebus incumbenribus variari posse, ut morbus vel sanitas, quodam tenus, ad arbitrium quasi produci possint. Res autem praecipuae vitam sustentantes satis jam notae sunt. Hinc sit eorum effectus, vel simul, vel per se, adjudicari posse, atque inter se ita comparari, ut ex his, aliorum effectus (analogiae regulam sequens) deducantur.

Phaenomena vero, vel signa praeter naturam occurrentia, etsi morbos saepe declarant, raro tamen pro ipsorum causis proximis sumenda. Si enim pro causis habentur, necessarium deinde nexum inter primum hocce signum et ipsum morbum, poni debet; sed facile esset offensus talia phaenomena potius effectus esse morbi ipsius quam ejus causas; et symptomata nunquam eo ordine assurgunt, ut haberi possint pro causis insequentium signorum; saepe saepius enim accidit, et in omni fere morbo, spuria quaedam symptomata intercedere.

Quaquam igitur, congestio, spasmata, distributio humorum inaequalis, cum similibus revera locum habere, ipsosque morbos



constituere saepe videntur, pro effectibus tamen morbi alterius, vel summae saltem opportunitatis existimanda sunt : Et si quando diversa ab his oriuntur symptomata, ut saepe accidit quando cerebrum afficitur, novus dein morbus excitatur.

Quoniam vero quodvis incrementum vel decrementum irritabilitatis post se trahit sua phaenomena, quid certius aut simplicius esse potest, quam ratio, hoc deducta fundamento. Quotiescunque igitur de morbo quovis gravi quaestio fit, perpendentur quam sedulo ejus causae, tam excitantes quam praedisponentes, et comparentur eorum effectus cum aliis jam notis ; ubi enim deest demonstratio, analogia tantum sequenda est. Si itaque phaenomena cujusvis potestatis ignotae, instar aliorum, ad amissim notorum, inveniuntur, quid dicendum, nisi eosdem esse utriusque potestatis effectus. Quum autem talia oriuntur phaenomena quae principio detecto oppugnare, prima facie, videntur, haec non temere ad principium evertendum applicanda sunt ; sed istae potius causae quibus haec differentia constat, quam sedulo debent investigari <sup>2</sup>.

His

His adductus principiis de febre typhoidea, (si tamen ex effectibus morbi et medendi consiliis dijudicare licet), colligendum esse credo,

Primum, causas morbi remotas in fibris systematis motricibus agendo, iisque potestatem qua stimulis obediunt tollent, ad morbum solummodo producendum valere.

2do, Proximam morbi causam solummodo petendam esse solido vivo animali, nec alia re quam minuta stimulis obediendi facultate, seu debilitate, constare.

3tio, Debilitatem inde ortam ex eo maxime provenire, quod vires animales vel irritabilitas, (propter nimium stimulorum opus potius quam eorum defectum), exhauriuntur.

4to, Symptomata inde provenientia ejus esse generis qui exhaustam irritabilitatem comitantur.

Quoniam vero aliae apud medicos, nec tam simplices, invaluerunt opiniones, proximum est ut has, vel praesertim eam, quae septicam fluidorum ponit naturam, infirmare tentemus.

Quando



Quando humores corrumpi dicuntur, necessaria oritur quaestio, quatenam sit natura fermenti istius, quod tot varios tamque funestos in corpore humano praestat effectus <sup>2</sup>.

Valde imprimis dubitari potest, an unquam, vita superstite, fermentandi iste processus, (qui limites inter animatam et mortuam ponit materiam), revera necne obtineat; et ipsis praeterea sensibus quam maxime repugnat talis opinio. Nam si totus sanguis ita corrumperetur, persistente vita, quomodo explicari possunt graves isti effectus qui nonnunquam ex noxiae cadaverum materiae, inter disseccandum, insitione, vel levissima quantitate, oriuntur?

Omissis vero hujusmodi argumentis, nullae adhuc notae sunt potestates, vi adeo septica pollentes, quae ipsam inferre possint tam subito dissolutionem. Potestates quae tali vi agere videntur vivis animalibus, contrarium prorsus effectum in carne mortua praestant; viceque versa. Sic aer purus, qui extra corpus processui fermentandi adeo favet, morbis tamen putridis, qui, dicuntur, occurrit, et aer fixus qui extra corpus, putredini obstat, pulmonibus tamen receptus exitio est, quod brevi excipit putredo. Idem dicendum est de spirituum ardentium usu qui

subito

<sup>2</sup> Vide Milman passim;

subito et immodice sumpti lethiferi sunt, putredinem inducentes, etsi mortuo jam carne quam maxime putredini obstant.

Iterum, si corpus, dum vivitur homo, revera putredini daretur, utilitiora saltem phaenomena hujus processus adesse expectanda forent. Ubi vero aëris extricatio, et quare non inflatur tela cellulosa? Ubi aëris puri diminutio, et quamobrem homines adeo celeriter putrescunt post venenum assumptum? Vel unde symptomata putrida quae tot varios comitari solent morbes contagiosos, si ex eodem fermento corruptio pendebat?

Argumenta jam prolata, ni fallor, suum pondus habent; sed alia trahenda veniunt ex aspectu ipsius, ut fertur, humoris putrescentis.

Primo notum est, sanguinem aliquo modo corruptum, vix coire posse; patet vero ex observationibus clarissimi Lind, sanguinem scorbuticis detractum, non solum coire posse, sed et firmiorem, solito exhibere crustam.

Eadem observatio plenissime stabilitur, clarissimis viris Rouppe, Poupart, aliisque. Quoad morbum denique nostrum, nec desunt eadem signa; nam sanguis, aut casu, aut consilio missus, testante Sydenham aliisque, plurima fluidi vitalis signa, dedisse obser-



observatur; et multi sunt auctores, qui se vidisse sanguinem coagulatum in typho declarunt.

Sed omnium argumentorum qui contra septicam adducuntur doctrinam, validissima sunt ea quae ex natura antisepticorum remedium profluunt; medicamenta enim sub hac classe enumerata adeo varia adeoque dissimilia existunt, ut ipsas potius movere quam solvere lites plane confiteor.

Obiectio prima ex eo venit, quod materiae, viribus antiseptis praeditae, haud copiose satis exhiberi queant, ut talem fluidorum efficerent mutationem qualem expectandum foret, si justa fuerit hypothesis. Cui enim credibile videatur, grana quaedam cujusvis materiae, (puta camphorae), in fluidis nostris ita agere, ut totam molem, jam corruptam edulcorare vel ei integritatem restituere possint? Et quare non ipsis potius vasibus injiciantur talia medicamenta, quum constat omnes fere materias non tales fluidis nostris existere, quales ventriculo sumptas?

Altera obiectio ex pathematum deducitur effectibus; vix enim credendum est haec, instar chemicae cujusvis materiae agere posse; sed valde nihilominus in morbis, qui putridi habentur, profunt. Neque praetermittenda sunt quae, inter se pugnantis, in typhi curatione et scorbuti observantur. Hoc enim morbo

que

quo ex integro fluidi corrumpi dicuntur, validiora nocent antiseptica, dum illo debiliora profunt. Cortex enim, opium, et cardiaca, qui vix insigni virtute antiseptica pollent, typho magis occurrunt quam medicamenta insigniori vi praedita, sed nocent scorbuticis.

Tertia objectio ex falsa, qua usi sunt illi medici, analogia oritur; nihil enim inter mortuam vivamque materiam commune.

Experimenta et observationes variorum hoc fati evincunt. Potestates enim extra corpus putredini obstantes, intus tamen sumptae eam promovere inveniuntur; et vice versa. Dr Milman plurima refert exempla hujus generis, et unum praesertim mulieris, quae scorbutu laborabat, ex theae usu: Huxham quoque similia refert exempla ex lithontripticorum et salium alkalinorum usu. L' Abbe denique Fontana experimentum habet, quo sanguis coagulatus fuit intra vasa, sed eodem veneno extra vasa tentatus, coagulationi obstitit.

## P R O G N O S I S.

Judicium tam hujus quam similium morborum ex signis virium dispendium designantibus, trahendum est; sed raro uni vel

alteri



alteri per se symptomati fidendum est ; neque crisis, ut in aliis nonnullis febribus, expectanda ; transitus enim ex morbo in sanitatem adeo lente fit, ut difficillime cernatur.

Quibusdam auctoribus petechiae inter signa lethalia habentur ; sed observationes experti Lind satis commonstrant, quam varium sit hocce phaenomenon. ‘ Aëgotantes,’ inquit, ‘ his obfiti maculis vix in nosocomium recepti fuerunt, et leniter re-  
 ‘ fecti, quin cito disparuerunt petechiae, et nonnunquam post  
 ‘ vini cyathum iis omnino caruere testabatur.’ Surditas quoque infauftum existimatur signum a nonnullis. Sed clarissimus noster Home longe aliter hoc symptoma accepit ; et idem fere dicendum est de quovis alio symptomate singulo.

Quae vero periculum simul denotant, haec sunt coma et insensibilitas gravis, oculorum fixitas acieque carentes, facies Hippocratica, manus tremantes aliquid carpentes, una cum pedibus frigentibus. Petechiae, haemorrhagiae, et faeces halitusque o-  
 lentes ; sphincterum relaxatio, animus sui non compos, ejusque ex motu levissimo, deliquium et perstans delirium : Pulsus citatissimi et evanescentes.

Quo pauciora, eo facilius, quo plura horum symptomatum simul, eo difficilius morbus judicandus.

## MEDENDI METHODUS.

Medici, pro causa quam amplexi sunt proxima de morbo, varias proposuerunt medendi rationes, praximque diversam. Alii dum naturae molimina et conamina expectant, in pejus ruerere omnia sinunt; et alii, dum sanguinem incassum corrigere volunt, tempore illuduntur, aegrisque saepe illudunt.

Theoriae vero quae his favent opinionibus minus esse probabiles videntur; et, si causae supra memoratae verae habeantur, quod et ipsa praxis vero similis reddit, simplex inde oritur, et unica indicatio curatoria, obviam videlicet ire debilitati.

Quoniam vero aucta ubique virium incitatio nonnunquam, primis morbi stadiis, sese manifestat, remedia igitur, ineunte morbo, diversa ab iis, quae provecto convenient, esse debent. Hinc diluentia et quae refrigerare dicuntur, non sine beneficio in usum vocari possint. Emetica quoque recenti morbo quam maxime prodesse constat, et omni nisu tentandum est, his rationibus morbum inter initium praecidere,



Excretiones primam curam nostram sibi debent vindicare. Alvus adstricta solvenda, soluta compescenda est; cutis etiam, quantum fieri potest, humida fervanda, nec non lingua assidue humectanda, aut acidis mineralibus aut vegetabilibus; his et similibus pro more solito ordinatis; omnis dein cura ad vires sustentandas dirigenda. Nam meum hic est, ea potissimum remedia, quae morbo jam provecto quadrare magis videntur enumerare, utpote tempus, quo mitiora profutura essent remedia, jam ante plerumque illapsum est, quam medicus advocatur.

*Opium.*—Vix opus est ut argumentis utar, cur de hoc primum agitur medicamento. Plurimae vero causae ejus usui adhuc obstituerunt, quarum praecipuae fuerunt praejudicia quaedam de veris ejus effectibus. Quamvis enim multi semper auctores de ejus virtute testimonia tulerint, medici tamen vix ausi sunt eo libere uti, donec praxis celebrium virorum, Doctorum Gregory, Gilchrist, Wall, Campbell, ejus efficaciam amplius testabatur. Nunc vero inter cardiaca palmam sibi aufert<sup>2</sup>.

*Moschus, camphora, castoreum,* et similia, ad eandem pertinent classem et aliquando etiam usurpari possint, sed virium sunt minus insignium.

*Cortex*

<sup>2</sup> Leigh on Opium, and Tralles de ejusdem Usu.

*Cortex Peruvianus.*—Ufus quoque hujus remedii non nisi recentius satis fuit probatus. Peritissimus ipse et sagax medicus, Doctor Clarke, inter primos fuit, qui efficaciam ejus latiore basi stabilivit; et nunc adeo notae est efficaciae, ut plurimi medici ad eum quamprimum recurrant, ne remissione, vel intermissione quidem expectatis.

Illustris Pringle, candide fassus est, hoc remedium, post experimentum factum, totam suam praxin mutasse; dum enim plurimos incassum tractavit aegrotantes ope contrayervae, et aliorum antisepticorum, pauciores multo corticis usu, amisit.

*Vinum,*—Plurimas ob rationes hoc praestantissima inter remedia revocandum. Palato imprimis et ventriculo admodum gratum est, et nocivis aliorum quorundam effectibus caret; sed inutile foret de virtutibus ejus plura dicere, utpote quae omnibus satis innotescant.

Quoad modum administrandi, is potior esse videtur, qui repetitis et parvis dosibus constat, quam raris et plenioribus.

Plurima adhuc ejusdem generis remedia enumerari potuissent. *Aether* aliquando, testante Hoffmanno, optimum facit medicamentum, praesertim vero si opio conjunctus, ut clarus Wall expertus est.



Quoad haec omnia cum aliis id genus remediis observandum est, eorum effectus pro vario, fibrae muscularis, statu variare; ne igitur mecum repugnare videar, subicere liceat eas potestates quae, sana fibra, irritabilitatem minuunt, tantum abesse ut magis imminuant, ut plane restaurare inveniantur si jam exhausta sit fibra muscularis. Sic itinere fessus et somnum capturus, brevi excitatur post vini aut cerevisiae haustum Londinensis. Eadem vero cerevisia, alio tempore hausta, pro somno est. Complurima sunt hujus generis exempla, et operae forsitan pretium fuisset experimentis vel observationibus stabilire, qui secuturi sunt effectus, ex diversis Materiae Medicae potestatibus in diversam irritabilitatem agentibus.

In hanc prosequendam rem sequens aut similis methodus institui potest,

Fibra	Irritabilis,	Stimulo quo- vis adplica- to, puta vi- num; dat,	Citam exhaustionem,	suis qui- busque phaeno- menis.
	Tonica,		Auctam incitationem,	
	Excitata,		Tardam exhaustionem,	
	Exhausta,		Tonum. Cum	

Et sic, variante quoque stimulorum ratione, relativi eorum effectus, nam relativi sunt plerumque habendi, investigari possunt.

*Antimonialia.*—Etsi optimo cum fructu haec nonnunquam usurpare possint, in primis praesertim morbi stadiis; multa tamen argumenta sunt qui eorum usu stadio provectiore obstant. Nemo enim inficias ibit, quin administratio repetita, et dosi nauseam moventi vires ulterius frangat, quae nimis jam fractae sunt. Hanc ob rem, Doctores Blane et Campbell, minus ejus viribus confisi, protractam morbi curationem saepe ejus usui tribuerant, et meliore cum fructu, modo opio juncto plerumque eo usos esse, declarunt.

*Vesicatoria.*—Haec magnopere profunt quando grave delirium aut coma premunt; et eodem redit sinapismorum nec non pediluvii usus. Immundities denique omnis quam assidue vitanda aut amovenda est. Si aegri quoque lectus vel cubiculum commode mutari possunt, suo haud caret beneficio.

Postremo, aëris temperies modica servari debet, et quo purior eo melior.

Haec sunt quae mihi hunc morbum contemplanti, legibusque academicis quanquam invito obtemperanti, sese obtulerunt; quoniam vero singuli casus aliquid sibi proprium habent, curamque specialem aliquo modo postulant; sic praxis mutabilis esse debet, et pro symptomatum varietate mutanda et accommodanda.



commodanda. Sed limites dissertationum inauguralium praescriptos, si has singulatim prosequerer, excederem: Quin et medici judicio vel experientiae tutius erunt linquenda.

**F I N I S.**







